



大愚橐

嘉興 褚鳳翔 愚

遂非草

起辛亥十月盡
壬子十二月

予自先祖見背以來一年輟筆矣今歲灾荒薦至
生計蕭然寒宵不寐偶成一律遂開吟咏之端昔
梅都官憂中作詩朝士非之予亦自知其非也而
憂思所觸復發之于詩真遂非之小人哉

十月廿四夜

寒雨蕭蕭夜未眠披衣起坐獨悽然廩無餘粟難充腹
地不收租孰買田

秋後虫灾入冬又雨一月
黃茂靡遺農人莫不號泣

夏稅未清飛票逼

故人多逝訃音傳眼前景况都非昔惟有詩情勝去年

對雨

簷敲不絕雨經旬天氣何曾似小春送炭久無懷舊客
催科偏有叩門人厨空奴婢歡顏少爐冷兒童話語頻
貯得清泉三十甕斟嘗未算十分貧

壬子立春日與懶愚和尚小飲

春雪盈枝凍早梅老僧偏為看花來憂中學廢詩情減
病後眠多飲興頹四世談空交粲可

余家自曾祖以來與蕪公
疎公懶公相識已四世

六時聽漏愧宗雷蒲團禪板從今起一點名心已撒開
元宵後三日余賡明招飲余以憂辭同人各有

詩謝效顰率賦

綺陌燈殘細雨飛辭君獨自掩荆扉生涯零落耽閒久

世故荒疎赴酌稀文陣幾番輸白戰愁城無計解長圍
陽春一曲誰先唱聽罷餘寒頓斂威

正月廿九日疊對雨韻二首

新年明日又三旬草色風光處處春百舌似簧驚午夢
梅花含笑伴愁人薛包產薄餘貲少杜甫衣單換酒頻
妻子不須嘲典物琴書猶在未為貧

一斷葷腥隔幾旬客來嘗試建溪春談禪最喜東林老
會計偏輸北垞人瘡疾漸平煎藥懶菜羹將起灌園頻
江淹殘錦無從乞檢點詩囊自覺貧

詩人行為李山濤賦

詩言志歌永言虞廷賡歌詩之源流傳三百篇始繁後

來詞賦出詩體愈不一究心風雅中乃不愧經術唐人
創作近體詩用以取士各有則粘律諧韻句極工古人
六義猶未失君不見李杜萬丈光燄長憂時感憤何激
昂又不見韓蘇一代文章伯麗曲清吟叶金石自從帖
括起前朝晦明風雨徒勞勞描頭畫角差相肖拾取科
第誇兒曹我朝詞賦邁前代博學鴻詞出幾輩二十
年來士習靡班香宋艷誰堪配隴西老人本謫仙錦囊
常貯詩千篇春宵苦吟竹隣月寒雨高歌律水天不求
公卿識不受庸俗憐不落猢猻袋不墮野狐禪搜奇剔
隱窮變態嘻笑怒罵皆天然淵源上追風雅頌兩漢六
朝相伯仲性情流露乃成詩獺祭蟲鑄有何用如君始

合稱詩人我爲君賦詩人行酒酣落筆不暇擇胸中硯
礪悉成聲梅花垂垂人杳杳屋梁月落松窗明

閱李山濤寄寓蓮溪詩追念舊遊悵然賦此

不到蓮溪又四年偶吟佳咏倍悽然芳園春暖花猶笑
律水秋清月自圓破夢鐘聲依舊落分飛雁影幾時連
太邱畜德堪垂後好把家規一一傳

王思贊見予對雨詩次韻二首再疊前韻答之

風雨連床七十旬溫然羨爾滿懷春波翻學海涵千頃
幟拔詞場壓萬人壯歲閒居愁滾滾雄心夜舞漏頻頻
膏粱盡飽侏儒腹安分何妨暫食貧

說經談史動無旬不覺韶光入仲春縞帶交歡誰益友

青松生色賴伊人半簾花影窺園懶一室茶烟聽雨頻
若比河汾應弗愧道充心泰豈憂貧

墨田上人惠蘭

紅梅未放蠟梅殘珍重湯休惠蒞蘭從此幽棲添個客
烹茶先試小龍團

種蘭之法沃以湯茗則香

懶携瓢笠訪蘭陰太白山前杖錫尋覓得幾叢分贈我
始知世外有同心

上人從天童歸

梅花開日風雨決旬感賦一律

歷盡霜中與雪中冰心欲借艷陽烘北枝乍放南枝馥
十日逢霖五日風傳粉何郎顏盡濕巡簷杜老咲誰同
回頭且莫傷零落成實和羹大有功

自遣二首

天公待我何曾薄囊甫空時便得錢半壁溪山資換酒
千言碑記勝耕田含飴粗足萱堂願共爨欣看荆樹全
除却官符催夏稅此身無事不神仙

虛名吾敢希王衍落拓生來不愛錢廿載橫經猶面壁
百年種德在心田盆蘭得氣開偏盛林筍衝寒出未全
靜坐愈知閒趣味笑他跋涉去求仙

苦雨七絕

陰霏慘不開寒氣凝庭宇二月無花看愁對辛夷樹
水仙一兩科賦性獨喜濕今年雨太多欲笑還羞澀
山茶昔歲移王父手親植人亡樹亦凋仰視淚沾臆

昨宵接前宵平添一尺水我欲問社公貪飲何不止
酒債舊未償寒多又賒飲泥途無客來一醉旋就枕
農飢望春花雨暘已失叙街頭米價昂十室九食黍
池塘草色青佳句今亡矣記得十年前聯吟有仲氏
上巳偕友人遊駕湖舟中即景

放棹駕湖去尋春共友生
袂除逢上巳祭掃近清明
柳色搖波碧鶯聲隔岬迎
紛紛花蛺蝶下上逐風輕

龍淵寺

龍宮久不到偶為踏青行
塔下塵氛擾潭中波浪平
僧忙清唄歇兒戲轉輪鳴
畫舫誰家子笙歌出郡城

真如寺

繫艇垂楊下禪房一徑通
裴休遺址在黃蘗慧燈空
草潤經春雨松鳴送晚風
誰知歡喜地血淚染堦紅

近有禪僧殺人

於方丈

烟雨樓

春色滿南湖樓開似畫圖
氣清烟樹淡天朗雨雲無
觸目情何極登橋醉欲扶
昇平多粉飾頓異舊規模

暮春雜咏十首

袂襖初過後端居獨咏詩
書帷風動日茅屋燕飛時
沽酒嘗新筍栽花傍曲池
醉來頻徙倚忘却故人期

松樹舊叅天青青罩檻前
高僧頻入座頑石豈知禪
寄遠勞馴鴿乘風蕪紙鳶
蹉跎吾敢怨拚老蛋湖邊

柴門臨水俗名

湖蛋

少賤身常懶原非濟世才病隨花信換愁逐夢魂來歲
儉惟疏食庭間長綠苔窺園聊一笑半畝菜抽臺
排悶出雙扉橋邊看落暉漁舟賒酒去田父賣薪歸挾
策曾何濟從戎未必非輕肥誰氏子今已脫儒衣
短檠相伴夜遙聽漏聲長人靜鼠窺牖春晴月映墻一
琴封二載雙淚落千行回首成童日庭前學禮忙
把酒細論文王通思不羣指思贊鐘聲松下落蘭蕊草中
芬吾道茫無岍人情薄似雲輕狂同蛺蝶窗外正紛紛
昨日晴何熱今朝雨復寒柴門無客過藥鼎有童看架
疊書千卷池垂釣一竿休言生計拙心地本來寬

萍草雨中生風光逐日更樹頭春鳥鬧籬落午雞鳴課
藝兒初就挑花女未成支頤林下坐誰惜獨含情
玉蘭花放日歲歲雨相侵皎潔應無敵摧殘似有心捲
簾天黯黯欹枕晝沉沉霽色何時見鳴鳩又出林
風雅吾家物依依三世同驚人輸杜老分派接坡公細
草含烟碧繁花映日紅眼前春景滿收入舊詩筒

聞川道中二首

去去聞川道孤舟半日程雲垂天宇黯風靜水聲清黃
鳥啼春盡銀魚入網輕橋邊有小市舊是射襄城
細雨午霏霏蓬遮不濕衣農舟撩草去蠶婦採桑歸麥
爛逢秋少人窮入夏飢北來冠蓋客衣馬自輕肥

崔孟堅從西湖歸賦贈

不見州平久乘春湖上遊六橋芳草軟三竺野花幽月
色孤山寺潮聲望海樓旗亭誰畫壁貫酒也風流

閏午日次司鈞韻

漫把桃符換一番銜盃且喜雨侵垣雷催梅去留膏澤
農插秧忙徧野村翠釜蘭湯重沐浴玉釵艾虎尚翩翩
半生不覺逢三閏閱盡興衰似瓦盆

七夕再疊貧字韻

病隨秋到輒兼旬佳節聊傾麩米春食不能謀何問道
已猶難爲敢求人晝閒看女穿鍼捷夜靜憎兒乞巧頻
聞說禾中蟲作害可容我守去年貧

九日從聞川歸顧西却以重寓五山詩索和因

次原韻

聞川孤棹晚歸時見說騷人過習池訪菊感君懷舊侶
題糕慚我負新詩重來不爽三生約老去何妨一味癡
莫把青山等閒看家散原自虎頭垂

思贇以自悼詩見示次韻四首

意氣相親二十年見君新咏倍淒然天生華國才難識
冷落河汾不改前

何人居易肯思艱徧爾焦勞變舊顏縱有好花開滿徑
秋懷一撥淚潛潛

愁緒多來千萬重不堪苦雨又淒風幾家荆樹看無恙

但得連枝樂在中

駒隙光陰一半過寐時常少寤時多考槃後世何曾有
莫學詩人賦在阿

和西村十月十五夜大風之作是夜予行金橋

道中

浪湧平江一棹行震天風猛似滄瀛雲籠皓月迷孤戍
角咽寒宵背郡城大漠塵沙移澤國小春氣候異秋聲
狂吟賴有詩魔在制伏飛廉轉不驚

西村為余作勗青堂古松歌次韻答之

徂徠云遙雙闕隔庭際何來松百尺濤聲直接野王臺
勁節偏隣翁子宅追溯前人作室來培植長存五世澤

陶家柳樹王家槐傲雪凌冬非一格虬枝未是棟梁材
欲與梅花爭鐵石李膺烈烈千載傳慙愧今人殊古昔
勗青空署草堂名落筆飄然輸太白幸有騷人日夕過
白頭情緒如新客喬松賴爾愈青青三十年來真莫逆

孟郊詩近世交道
喪青松落顏色

蜡臘詩 并序

玉燭寶典云臘者祭先祖蜡者祭百神同日
而異祭也歲暮虔祀因作蜡臘二首聊申報
賽之意耳非敢效顰靖節也

蜡

手執蘭膏與降真整衣階下拜明神驅灾願剝門風舊

錫福祈增文思新楊氏雀環輸四世王家珠樹忝三人
裸將魯酒休嫌淡籩豆今年備苦辛

臘

觀德爭誇七世長不材從未表幽光苾芬聊薦凶年食
崇比空思樂歲倉好事癡兒鳴臘鼓無知嬌女獻香囊
拜瞻難把衷腸訴一首新詩侑一觴

除夕次司鈞韻

歉歲由他去團圞勝昔年丁添無賦納

本朝例增丁不加賦

囊滿有

詩傳碧菜如人辣紅梅鬪燭鮮傾壺拚一醉不脫敝裘
眠

除夕次中五韻

藏鈞爭賭酒不覺到三更索句殊靈運居家愧子荆吟
多鬚易斷歲儉債難清且盡今宵興由他太瘦生

除夕次顧西村韻

一盞梅花起客憂梵鐘聲裡獨登樓六旬鬚髮依人老
十載琴書到處遊南陌笙歌風外盡故園松菊畫中收
此生幸免簪纓累服軼寧教作野牛

內姪陳

洽濟蒼

潛乾一校

大愚橐

嘉興 褚鳳翔 愚一

惜分集

起癸丑盡乙卯

陶士行云大禹聖人猶惜寸陰至於常人當惜分陰
昔哉斯言也余不敏埋頭舉業二十餘年庚戌以來
功少輟焉今復咿哦帖括暇則用之于詩因名之曰惜分

元旦次平世韻

頑兒非驥子偶試兔豪新大地久無雪小園空自春
祥光浮葦戶淑氣應佳辰努力修名檢母為輕薄人
次顧西村新正四日宜樓對雪韻

青帝行春扇北風天花今日滿長空謝家聯咏慚予懶
蕭寺揮毫羨爾工興到偶浮春釀綠寒多惟戀火爐紅
尋梅興杳枝還凍訪戴情殷路不通暮暮同雲增慘淡
盈盈玉樹自瓏璵堆簷漸密瓊塵厚入沼潛消淑氣冲
萬戶清輝疑月出千村白粲兆年豐茶烹陶穀風流異
門掩袁安冷落同舊業盡拋詩卷外新愁交集夢魂中
送窮自笑非韓愈好客誰憐似孔融宿諾欲酬心耿耿
佳章難和意忽忽未能白戰從人咲獨自頽然學醉翁

雨泛秦溪

雲容漠漠覆長溪兩岼桃花開正齊無限春情拋不去
又携斗酒聽鶯啼

司鈞從柴門深處歸以詩見示次韻

去城無百里半歲不經過老桂子猶在孤桐孫若何簷
垂蛛網密梁積燕泥多洒掃勞子弟深情托短歌

蠡湖泛月

沼吳人去事茫茫剩有波光映月光兩槳蕩歸清似鏡
半篷推起白如霜踈鐘聽徹金明寺短笛吹殘長水塘
莫向臙脂湖畔過一般寒色送淒涼

題吳繼長春江泛月圖二首

澄江千頃如練平沙一色鋪銀若比坡公赤壁清秋遜
爾韶春

桂檝頻年獨擊清光此夕誰同願附鄂君青翰共乘萬

里長風

哭于仲謀二首

才藻何人得似君，遽歸泉下作修文。
傷心總帳高懸處，環泣諸孤不忍聞。

素冠素韞未曾更，庭際新摧一樹荆。
知爾九泉心最苦，墓門重累白鬚兄。

照鏡

青鏡驚看白髮鮮，丰神非復十年前。
天生傲骨無從換，百尺樓頭日醉眠。

四十初度

四十依然守故廬，萊妻且莫憎荷衣。
漢廷曾有公孫子，

華髮橫經未必非

送莊文載入都

壯歲投閒肯戀家，又携琴劍客京華。
折腰且學干升斗，莫使雙親望眼賒。

西村以甲寅元旦立春詩索和依韻酬之

元日欣逢淑氣回，興豪那怕老相催。
送窮鬼自堂堂去，潤筆錢誰滾滾來。
遊稿舊存邀客訂，草亭新構任兒開。

西村去年新
售隣地廣宅

更憐地主椒觴厚，共向西窗醉早梅。
西村時客
清餘堂

有客以元旦立春二絕索和用東坡和秦少游

王仲至韵率次酬之

春色新從天上回，故人得句便相催。
少游仲至今難再，

休把詩筒亂寄來
柳芽梅蕊隔年回從此韶光次第催
林鳥不知何得意
嚶嚶也自報春來

壽梵鐘上人

六旬鬚髮盡皤然獨喜童顏似偃佺
南極祥光臨福地
西來紫氣入新年重逢已踐三生約
老去爭誇一確傳
聖代即今崇釋氏安車看爾坐朝天

題畫贈僧

一雙椽履一枝筇芝艸仙桃處處逢
從此不愁山路險
行行同到最高峰

次朗上人除夕韻

湯休從小學無生慧業何愁佛不成
好趁歲除除萬慮
心如潭水一般清

次朗上人梅逋閣探梅韻

衲子愛清閒尋梅叩竹關
詩新題壁上樹老聳溪灣
熟客忘迎送流鶯自往還
須知歡喜地原不在深山

次徐霞川元夕同顧西村飲梅花下韻

徐陵才調最清新追琢雖精不失真
梅蕊枝前飛白雪
踏歌聲裏競陽春廿年親舊非傾蓋
一日薰陶勝飲醇
從此茅廬添逸興好懸竹榻待高人

過怡清山房

居近招提性懶遊芒鞋今日偶淹留
僻間琴引騷人興

鼎內香薰花氣幽話到投機情愈洽詩逢敵手和難休
鉢資已罄何須惜好作空門第一流

題馮巨光淬劍圖

公孫才學舊無倫謙退家風更逼真三尺青萍休浪擲
且從泉石作閒人

春日漫興次僧韻

榆火頻烹碧乳香曲欄斜倚引杯長客來且自由他去
臭味差池懶對牀

松滋初試筆生香手煖晴窗詩思長更有支公閒似我
花間新咏滿禪牀

謝朗上人惠蘭

昨日苦熱今苦寒一園風雨辛夷殘野夫性情兼中酒
高卧那復憑闌看庭前屐響知客到惠我芳蘭愜素好
自慙落落少同心面壁十年中是悼上人從幼禮空王
蕙蘭長雜旃檀香破顏幾度拈花笑悟道何殊選佛場
憶自春初叩精舍綺石黃磁列塔下別來一月屢相思
欲訪幽姿曾未暇奪人所愛我不爲此物何爲入亭榭
君不見玉照堂前三百梅蕭條無復春風催又不見陶
令籬邊千朵菊寂寞惟餘秋草禿世間萬物有遷移花
木依人知幾時屈原九畹名空在寶守徒爲達士嗤譬
彼東風昨夜吹園池林花雨打盡離披謝師投我還囑
師有客愛此轉贈之

對花二首

櫻桃初謝放山茶習習東風燕到家雙語梁間驚我老
蒼顏今歲不如花
終朝漉酒與烹茶只爲身謀不爲家自笑癡聾今轉甚
獨留青眼對紅花

舟行八首

曉霧蒼蒼隱百城東津亭外一舟行沿溪春色無從見
獨凭篷窗數榜聲
高高日出一天紅幾縷茶烟起艙中硯匣筆床隨處置
前身或是陸龜蒙

楊柳風微拂面來菜花香裡興悠哉呼兒收拾梅村集

好向春光倒酒醅

無頭塔影看全無古蹟於今徧綠蕪慄悍土風偏不改
快船手搏半鉗奴

曹王俎豆徧東南仁武猶令野老談好笑江州屠滅後
繪圖進御不知慙

踏青初過草如茵南陌天晴確未勻碍却吳娃行不穩
弓鞋躡躡柳眉顰

解纜隨風出板橋布帆十幅去飄飄歸途何事頻回首
野店桃花半未凋

午雞啼罷聽啼鳩喚雨桑間動客愁溪水有情留日影
依依一路送歸舟

次荅湖東懶民

懶移鳩杖出荆扉
伏處湖東與世違
知己邇來逢顧況
青山圖就彩毫飛

高人相對掩雙扉
靜裡清談意莫違
好稱聯香新扁額
夢爲蝴蝶也同飛

舟中即景次司鈞韻

放艇虹涇外東方
日色催棲禽衝浪起
估客順風來孤
戍紅墻畔平橋碧水隈
菜花看夾岍香氣亦佳哉

青旆招沽酒尋春又一遭
風斜吹帽側灘淺擱船牢
潦草村農懶銜泥燕子勞
新晴天更好笑語任兒曹

馬嘶來古廟雉雒隱春田
有意尋農器無心學釣船
野

花紅映日高柳綠浮烟
蠶事看將動江村三月天

午日

令節欣逢母病痊
手懸艾虎寢門前
盤分菰黍兒童徧
杯泛菖蒲弟妹傳
黃熟香燒先辟惡
赤靈符佩各延年
閉門儘有歡娛處
休問南湖競渡船

感懷

紛紛婚嫁代先人
十載焦勞萃一身
劉氏令嫺新得壻
張家知默乍連姻
欲遊五岳徒虛語
學補三關未入神
活到杖朝無大半
從今妻子莫相嗔

客有貽詩索予新咏者
無以相質因述近況示
之即次原韻

素無機械與機心半世嗤嗤似漢陰新水汲來邀客品
舊書拋後聽兒吟琴藏古調懸高閣蟬弄微聲出茂林
晝卧幾曾操不律北窗風過好披襟

夏日八首

松陰遮屋水環村長夏風多不覺溫老去無戈回白日
愁來有酒伴黃昏醫方舊纂常常續文體新翻細細論
同學少年爭得路懷中幾個彩毫存
萱花呈瑞草堂前最喜慈幃病漸痊問寢敢弛嘗藥職
探囊猶剩買參錢奚奴竊膳循常例乞士投齋了宿緣
更有一端無益事滿池馴鴨傍荷眠
阿香推轂雨滂沱池水平添一尺多尊酒昔思追北海

談諧今懶效東坡埋頭黃卷成癡漢舞劍青宵斬睡魔
倚遍曲闌誰共語半鈎新月掛藤蘿

齋日侵晨折露葵伏天滋味厭黎祁削瓜先囑僮收子
食藕還看女雪絲閒裏工夫惟曬藥忙中事業止題詩
從今強學公孫季四十無聞未足嗤

陣雲初散碧天清睡起池邊獨緩行黃蝶拂衣如有意
白鷗交頸亦含情蓮因烈日長擎葢蕙趁薰風競吐英
觸景何人無感發可憐薜蘿異簪纓

晚霞爛熳暑仍蒸香茗烹嘗勝飲冰病瘥有人眠白晝
讐書無客共青燈畫描難制窺簾鼠揮塵空驅吸墨蠅
靜坐不須頻嘆熱要知時燠是休徵

秋海棠開傍短牆一般寂寞總堪傷
談禪客去茶烟歇送酒人稀
月色涼綠柳低枝棲翡翠
紫薇欹影映流黃數殘更漏
何曾寐翻恠炎天夜亦長
滿徑芭蕉滿樹蛭清散絕勝
市聲囂僧鐘徹夜塵心靜
簷馬迎風逸響飄扃戶偶然
成小隱灌園原不厲孤標
獨慙野老踈籬外也有西川
萬里槁

苦熱四首

叅天古木綠遮簷三伏難消一室炎
晝睡不成宵夢斷北窗空自學陶潛
老槐枝上夜蛭鳴曉起何人不裸裎
先向竹爐烹顧渚這回真似吸川鯨

紅藕花前白日長懶翻書卷懶焚香
回頭最喜屏間畫瀑布千尋看亦涼
舊雨凋零新雨垂支頤獨自坐西齋
梨花春釀今朝罄裁罷詩篇悶未排

余賡明遺粬粬

嫩黃粬粬碧油煎較勝牢丸軟似綿
為感故人情意重一回醉飽晚風前

七夕

七襄機畔一聲雷催起雲車冒雨來
不是鵲橋橫帶水定疑神女下陽臺

立秋

曉起新涼忽報秋高梧槭槭不勝愁葛衣未典風前着
紈扇無功雨後收覽鏡暗驚華髮滿銜杯誰共竹溪遊
祇應蟹舍漁庄外獨聽菱歌蕩小舟

新秋和韻

火退涼生樹樹秋金飈向晚入書樓辨慙宋玉才何拙
賦學潘安力未優老逐時光來冉冉事隨湖水去悠悠
相逢那更堪搖落華髮于今已滿頭

晚秋舟中遇雨

細雨冷淒淒秋郊一望迷烟深濃樹淡水濶遠天低野
市人沽少原田稻秀齊喜逢今歲稔側耳聽雞啼

即日

雲髻弓鞋新樣粧素衣還似舞霓裳白楊未拱灰心久
好聽吹簫引鳳凰

秋暮同徐國華莊文載程介眉高友夔顧西村

陸鞏辰家司釣舟中觀劇分簡諸子

菊英初吐雁來時知己招邀一棹移玉笛梅花聽落盡
風飄片片與徐熙

曾共莊周繫畫船綠楊叢裡聽繁絃明眸皓齒渾如昨
楓葉蘆花異去年

水調新翻字字清王郎十五早馳名秋波臨去猶回顧
欲倩長康爲寫生

旗亭畫壁最風流試問高生有意不蟋蟀滿堂新鬪勝

秋花或肯當纏頭

柘枝舞罷月華鮮
繚繞餘音散碧天
揮手櫻桃休侑酒
座中今夜有伊川

半醉歸來事事慵
筆花羞對木芙蓉
盛筵此日誰爲序
應讓雲間陸士龍

孤雁

一點破輕烟
秋風黃葉前
度關悲失侶
伴月下長川
隻影不成字
數聲獨徹天
子卿書在否
孤節並堪憐

秋杪舟行二首

放艇板橋東
秋殘日色紅
無霜凋碧草
有露染丹楓
梵唄鐘聲裡
菱歌漁笛中
閒情與新景
取次入詩筒

行行十八里
快似鏡中移
人影沿流見
晴光夾岬隨
遙山青海角
野菊笑茅籬
牛背童何懶
橫眠笛不吹

送西村之當湖即用留別原韻

嗚咽復嗚咽
聚首不堪重
話別窗前
寒雨晚瀟瀟
客主悲吟聲
迸徹問字當
初從我翁
幾番契濶
音書絕已酉
初冬屐復來
我翁一見
顏色悅呼
僮掃榻夜
留賓綠酒
紅燈吟白雪
轉盼巫陽
下碧霄
淚如泉湧
腸空熱携
琴載酒任飄
蓬干謁羞
爲腰懶折
黃花開日
又連床三十
年間事細
說男兒老
大並無成
爲罰筆將
天巧泄臨
岐握手重
叮嚀捫舌
從今甘守拙

壽清餘先生

襄陽耆舊若爲賢，獨著清標七十年。天挺紫芝貽綺里，人來白苧識伊川。蘭芽乍放幽香遠，梅蕊初肥淑景妍。自結朱陳隨杖履，春風坐處每留連。

社日見燕

社公催雨濕莓苔，習習東風燕子來。客夢暗驚新節序，羈情應戀舊樓臺。誰家玳瑁梁無恙，幾處芙蓉帳未灰。獨有茅簷偏不改，飛飛還帶軟泥回。

賀汪玉樞入泮

越公遺胄問誰賢，羨爾文章獨斐然。入夏殷雷初奮地，橫秋健翮欲摩天。珠添王氏人尤艷，龍半荀家世竝傳。驥尾偶容兒輩附，登瀛終讓着鞭先。

重過雲卧山房贈奕宗上人

不到精廬又六年，已公相見喜依然。庭堆桐葉連朝雨，鼎爇檀香繞室烟。老去偏留青眼在，坐來休訝白毛鮮。少文剩有遊山興，欲約西泠共放船。

省下送司鈞歸

携手上錢塘，身羸志尚強。那知投藥石，曾未治膏肓。惜別言空慰，吞聲神暗傷。遙思歸卧日，強笑對高堂。

夢司鈞

相背五晨昏，相思二百里。就寢輒夢君，雲烟揮滿紙。嬉笑成文章，談吐皆經史。宿疾想已痊，狂態復爾爾。起坐望家書，燈花先報喜。

入門愁

入門愁愁如秋露濃弟疴無藥治母老日龍鍾紫荆已
分不再合脊鴿有難還相從屋角朝朝啼鵬鳥草根夜
夜鳴寒螿入門愁愁盈胸

入門愁愁如秋夜長廩粟食已罄田禾秀未黃杜陵五
升日賒取十千酒價何時償欹枕不寐心惶惶木犀花
發空自香入門愁愁斷腸

甥 高大峻 校

陸 超

大愚橐

嘉興 褚鳳翔 愚一

半隱居橐上

起丙辰至己未

丙辰三月予於堂之北廡架屋數椽僅可容膝名
之曰半隱居非敢逃名也山木以不材得終其天
年古人幸之予年過四十一藝無成天或老我於
此中使為太平百姓寧非我生之大幸耶因以名
我詩

丙辰元旦

元年元日晴光麗萬國春回第九朝
前月二十三日立春 萱草綠滋
冰始解梅花紅綻雪初消兒童鞠脰咸稱慶婦女歡呼

學頌椒腸斷惠連無復夢池塘佳句久寥寥

戲題半隱居

半畝園中半隱居半簾花影半牀書
心涵天理欲半寡腹鮮肉食形半癯
半農半士半釋道小半智慧大半愚
謀生計左產半售結納囊空友半踈
議論古今半偏僻是非鄉曲半糊塗
戇直半遭俗詬誶蹉跎半被鬼揶揄
半甌陽羨風習習半盞月波夢遽遽
半閒喜購特健藥半老妄作詵癡符
對奕慣饒子半着撲棗甘分隣半株
半倚半跛行逼側半飢半飽坐跣趺
短褐半遮亦足矣金貂大半爲人奴
功名富貴半泡影跼蹐半世胡爲乎
華山半席倘許共半椽拚棄去作希夷徒

秋抵武林疾不與試作示同寓

四十三年一病身爭名自信不如人
愁聽明遠樓頭角悔染登雲橋外塵
花露半壺招月醉藤床四壁與僧隣
翩翩英妙休相詢華髮論文未必新

聖因寺

翠華無復幸象教入離宮遊屐三春滿
歡聲萬姓同僧行花影裡鶴啖竹林中
御榻看何在金鋪閉晚風

四照亭

孤亭絕頂上環植洛陽花秋色還如錦
春光定似霞一泓千嶂繞百雉萬松遮
覽勝新推此吳山可獨誇

賢王祠

帝子承恩久新祠湖水隈泉清斜入苑磴曲上通臺綺
樹連山植紅蕖夾岬開誰膺鎖鑰寄紺殿老僧來

花神廟

衛公何好事廟貌塑花神烜赫東西廡芬芳十二辰藝
蘭香各別鬪草葉爭新回首棲霞嶺衣冠滿目塵

輓高復安

人生無不死死者何足悲所悲天道爽哲人日以萎憶
昔與翁晤歡咲語移時有子克洗腆有媳克奉匱入門
臧獲勤家法良可師仁者靜無欲謂宜享期頤何圖辰
年至疾遂不可為總帳懸華堂兒女日夕啼蕭蕭丹旒
冷淅淅秋風吹老成已凋謝揮涕空陳辭

閱邸報作

亡書三篋原難誦倚馬千言未易能昨日臨軒親試
士西清東觀幾人登

哭湖東懶民五十韻

程先生泰京字紫璿居
東湖側自號湖東懶民

辰年阨賢人壽止七十一作善不降祥天道誠難必憶
昔曾王父選壻執雁入作配我祖姑才貌洵堪匹君家
貲夙饒典物不計值我姑婦道修達旦恒紡織春雨花
菲菲秋風虫唧唧秉燭對夫君佐讀無時息三復蠡斯
篇預謀置側室克問佳氣闡英物得復失哀彼閨中人
悲痛旋成疾鸞鏡一朝孤愛女哭繞膝于時我大母撫
甥逾已出翁前婉轉言繼室娶族姪偕老數十年情好

如膠漆空佩宜男花顧影心惻惻兩女素幽嫺長大俱
無日凶年復荐臻金盡囊羞澀襪被入京師梁園時載
筆作賦繼鄒枚論文追籍湜熱河夜納涼西山朝咏雪
出句驚王公入坐每長揖爭欲薦伊川 內廷與修葺
翩然舍之歸垂老不受職湖東爲懶民作德心日逸董
巨畫相承鍾王書堪質痛掃清餘堂免被俗子逼卓哉
高人風德立言復立獨念似續虛大宗須血食族子來
休陽承家亦云克擇媳聘余妹舊姻兼新特密戚似朱
陳德星常讌集庚戌八月秋余大父先卒從此嘆索居
倚窗恒默默叩壺歌咏希黃綺無人識乙卯二月朏登
堂祝七袞含笑顧余言生死事叵測我舅爾曾祖矍鑠

人難及蒼天不假年七十一而畢人生如泡影莫學牛
山泣座客嘆達觀知命能不惑烏兔匆匆飛四序止一
刻丙辰一陽生曜靈忽西匿鈞天降巫陽益壽嗟無益
春秋同婦翁長往衆香國嗚呼老成亡典型空垂式城
東有望人行事世共嫉既富且康寧侈然享八十福善
與禍淫造物何反側酌酒哭陳辭聊以表潛德

穀日曹芥圃先生招飲蕙雪堂

穀日晴光兆歲豐華堂歡笑主賓同銜觴彷彿平陽興
下士依稀倦圃風侍膝有孫雙屐健藏書付子五經通
比閭飽德心欽久不在今宵饜飫中

壽朱母七十

福以壽為首壽以貧為悲甘旨老無缺朱母眾所推緬
昔徐孺子生此冰雪姿實我褚氏甥母教良可師翩翩
紫陽裔弱冠乃聘之相夫數十載無非亦無儀中間罹
回祿門戶重支持訓子克成人生計日以滋乾隆丁巳
春喜逢設悅時花明東瓜堰燕拂春波滑麻姑來玉洞
金母下瑤池麟脯既具陳瓊液且盈卮紫氣凝華堂白
日行遲遲 天恩新賜帑曳縞復履絲始知昇平久巾
幘多期願飲和而食德扶杖咸熙熙

上巳舟行觀劇

蘭亭勝事渺難追知己相邀偶解維臺上笙歌船上酒
曲中悲喜醉中詩三分誰建千秋業八陣空教萬古思

撩亂春愁拋未得這行辜負夜除時

是日演八陣圖

題莊文載爭子圖

圖與美人對奕作捉手奪子狀

爭利利不常爭名名易朽奕乃小數耳一子爭何有松
陰春遠白日長笑把纖纖較勝負鬚眉未免識平平巾
幘由他氣赳赳夫人城娘子軍膽智無雙天下聞解圍
從古多紅裙請君莫爭君知否得放手時須放手昆明
萬劫已成灰一着何妨落人後

送春二首

鶯聲睨睨燕呢喃人倚闌干酒半酣彌望綠陰春不見
欲從何處送歸驂

歷徧山村與水村韶光一去了無痕從今只有松梢月

夜半還來照華門

戲東朗上人

受戒歸來已一年閉關真個似枯禪掃除文字方清淨
應悔詩名昔浪傳

樹下

綠樹濃陰下斜陽照眼明晝長人意倦庭靜鳥散清同
志嗟誰在虛名漸懶爭搢頤坐黃石率爾一詩成

酒醒

微醺初醒夕陽天小立林間漠漠烟白練不來紅練去
數竿修竹自婵娟

光世姪讀書歸日捐父像詩以誌慟

雙眸炯炯意惺惺知爾堪傳韋氏經腸斷總帷遺像下
夜歸長揖當趨庭

端陽後一日小園遣興

昨日逢重午銜觴羣玉軒宿醒朝伏枕刈草晚窺園得
水蛙散沸將晴鳥語喧野人幽興在快意每忘言

題李某画虞美人花

庶草凡花豈有情虞兮千載被芳名漢宮佳麗看無數
紅粉何人爲寫生

卧疾

疾作恒避人悠然卧藤榻荆扉白晝關苔蘚足不踏朱
籠啼畫眉碧池沸吠蛤入耳心亦清免被塵囂雜紅日

不再中嘉會難重合未死且養生無營如老衲

薰風自南來 十二韻限來字

虞絃載鼓薰風扇赤日行天萬戶開纔應鳶鳴從井出
俄驚羊角自南回經過河朔晴枯麥散入江東雨熟梅
徧地陽和催物長披襟暢遂逐人來飄揚蝶翅穿花徑
搖曳蛛絲罨露臺荷芰香前蒸溽暑桔槔散裏殷輕雷
吹歸征旆炎荒外迎去扁舟綠水隈雪藕佳人頻徙倚
調冰公子任徘徊浮瓜向晚操刀削沉李凌晨滿盞堆
陶令愛閒惟穩臥劉松耽酒且銜杯絺衣漸爽身輕矣
紈扇無功意快哉此際賡歌饒樂事未知誰可繼鄒枚

病起

卧疾經旬一旦瘳笑披練葛學蜉蝣身如雞肋存何用
心似蠶絲吐未休潘鬢早華偏易老沈腰原瘦不關愁
呼兒傳語堂前客添首新詩正好酬

竹溪沈時鳴過訪

刮目騷人孰似兄琴心賦手並馳名尊前談笑春風暖
畫裡雲山秋氣清八詠千年看繼軌雙溪一曲聽移情
相從更羨青箱在客舍融融夢不驚

題懶愚和尚浮鉢圖

酒作生涯八十年愚而且懶日陶然如今拋却空王法
一鉢隨波不再傳

蘆塘秋泛

極目晴光爽風清雁影連片帆秋水上半郭暮雲邊葦
白多于雪禾黃大有年歸途何最好如鏡月初圓

雪夜

喔喔雞啼徹五更酒醒衾冷夢無成豐年未免憂薪桂
況聽松窗雪打聲

莊貞女詩

如玉佳人鐵石心縞衣飄雪泣施衿頓醒蝴蝶浮生夢
不繡鴛鴦嫁日衾地老天荒應弗改松貞栢苦孰相侵
謝家從此香名播閨範何須別處尋

過莊昇瞻書齋

解組歸來暇日長西齋習靜自焚香煮茶有意留閒客

話舊何妨到夕陽腆洗北堂堪戲彩簫吹別館好求凰
誰言金谷風流渺似爾優游樂未央

枕上聽雨

燈殘人睡酒瓶空聽滴簷敲醉夢中似鬼禽啼驚黑夜
如雷鼻息散東風十分春色知難剩一曲溪流想已通
好待天明浮小艇綠蓑放鴨學龜蒙

午日

薰風吹雨到池塘開徧萱花曲檻傍酒煖竹爐招舊侶
杵鳴藥臼試新方逃名并謝延年縷隨俗休燃辟惡香
鉤有菜羹簞有食團圓也不負端陽

嘉庠新構魁星閣故尊經閣址也詩以紀之

盛世崇儒首重經不圖層構奉魁星煌煌大訓藏何處
列聖應訝一鬼靈

午日詞

千古三閭迹已陳孰將菰黍吊孤臣家家空結延年縷
勞却香閨刺繡人

纖纖素手剪青蒲雕就葫蘆日未晡好與健人同插髻

生兒或似漢朝胡

漢胡廣本姓黃以五日生父惡之盛以
葫蘆棄江中居人收養為子借胡為姓

綵囊如鎖繫朱絲掛向胸前百事宜料得夜來無噩夢
辟邪不用畫鍾馗

黃頭郎駕赤龍舟畫槳如飛蘸碧流幾陣鼓鼗驚兩岸
玉人帶醉倚朱樓

同時有兩納寵者一則五十無嗣一則三十喪

子歡娛彷彿時勢相懸詩以戲之

五十無嗣事可憂鴛鴦繡被強綢繆寢興未暇徵蘭夢
先覓蓬萊採藥舟

三十無兒髮未蒼揮金買笑任顛狂櫻桃楊柳看何有
好色終輸愛孔方

題某姬垂釣圖

春眠初起試新粧兩臉天桃映海棠驚却游魚沉不見
一竿空自釣池塘

平江早發

平江細雨曉濛濛暗濕青帆十幅風學畫幾年曾未就

今朝始悟做南宮

戲咏護花鈴

春來庭院惜紅芳
搖曳枝頭盡日忙
雨雨風風都不憚
又隨明月伴昏黃

己未元旦

庭雪初融霽色鮮
千家爆竹報新年
蘭芽待暖香何後
梅蕊衝寒放已先
身賤敢勞車馬顧
交疎端為性情偏
一詩題就渾無事
欵枕松窗獨醉眠

秋涇即景

雨雨漁船破曉烟
滿蓑風雨早春天
如鴉少婦簪花勝
也祝今年勝去年

新正飲于可菴可以居

華堂半醉共胡盧
老去堪憐興未辜
姨表弟為新壻父

女姻家是大姑夫
凌雲志氣輸君壯
堂扁新懸壯志凌雲博塞歡娛

愧我無何事雁行
同折一西堂夢斷月明孤
可菴弟仲謀余弟司鈞俱

己下世

莊爽軒過訪

藉甚才名數十年
清談一接轉欣然
不嫌洛社衣冠異
祇恐南樓嘯咏偏
陶令賦歸惟置酒
坡公移宅懶求田
不材何幸逢青眼
聲價從今倍百千

穀日疾作

穀日晨興祝降康
那知二豎入膏肓
盈虛倚伏人誰覺

悔吝交叢命不常半世宛如千日醉百年空斷九回腸
向禽勝事知難再魂魄依依在北堂

病中志喜

少不承歡老愧遲病中何幸覩盤匱垂頭無力修閨範
暗祝生兒奉母儀

病懷

高卧連朝疾未瘳春陰漠漠轉添愁顧名自信誠凡鳥
垂老何堪作贅疣生計百年輸二頃交情一日似三秋
空囊羞澁由人笑潦倒還存晏子裘

病起

身似鴻毛一死輕天容疾愈又謀生散愁松下銜杯坐

索笑梅邊倚杖行迂拙久拚爲世棄是非那復與人爭
多情榛栗朝朝具愉色相將出至誠

戲東友人

一覺揚州已十年春來應憶賣花天謝家裙屐風流在
好領笙簫上畫船

送春

年季春去不勝傷今日歌驪倍斷腸華髮那堪頻祖軼
離情空自繞河梁風前徙倚芳心醉夢裡追尋別路長
莫問岵夷與暘谷魚書欲寄總茫茫

聞川雜感八首

薰風吹暖到扁舟又作聞川一度遊迂拙愧非諸謝比

上堂何幸辱青眸

挹翠軒開引興長
牙籤壓架暗生香
一瓶未向郎君借
先展縹緗讀數行

湘簾晝捲綠陰新
清福由天付碩人
沼有游魚園有果
不難晨夕奉慈親

婢司紡績僕司耕
質朴家風舊著名
今日料無蕭穎士
可能比德鄭康成

龜年不作善才遙
誰抱琵琶奏六么
一任高臺貯歌舞

聽簫懶過射襄橋

時有名
優演劇

隻雞斗酒共流連
樂令清談已渺然
却訝梁間雙燕子
呢喃不異十年前

癸辛雜志手曾披
六六名傳北宋時
誰取牌兒名刻子
一番紬繹有餘師

挑燈猶喜未離群
姚合詩篇朱穆文
歸語兒曹師好樣
下帷長謝客如雲

輓朱無懷

少微昨夜隕由拳
模楷凋殘共黯然
千載清名留邑乘
一經世業有兒傳
秋生城闕風流渺
月冷鴛湖泣涕漣
異日鶴歸華表語
始知尸解是登仙

春風簾幕暖飄花

春隨斗柄轉應候
有條風上苑珠簾外
溪閨繡幕中是
花皆灼灼無處不
融融蕩漾當窗起
溫和拂面同香熏

羅袖暖色鬪曉粧紅行樂逢斯日嘻嘻正未窮

長孫生

翁年四十六多病將就木一朝喜生孫側耳先聽哭英
物聲煌煌碩大終膺福緬維世澤長德自高曾畜行誼
感蒼穹不耕食亦足及我弗克承半生慙碌碌維熊與
維羆魂夢安敢卜盛世且添丁聊以昌我族

送朱自天之龍川

抱璞難沽未有緣又携書劍適龍川桐江霜落孤舟夜
庚嶺梅開十月天客裡光陰容易老閒中著述幾時傳
知君不愧名家子博物還應媿茂先

代題松鹿圖祝壽

戴玉懷符五百年呦呦長在石門邊奎星似與瑤光約
畱取松肪獻偃佺

輓吳周翰

先子騷壇孰比肩延陵才藻少翩翩百年故老凋零盡
三世交情終始全詩似子華堪不朽文追季重附誰傳
一坏他日如題墓也揭嗚呼姓氏前

附題半隱居

吳始周翰

半間顏半隱寄傲構東臯詩卷吟新句香醪壓舊槽
塔標窗外影松擁檻前濤暫憇搏風翮聯飛應更高

姪光世君直校

